

STADT KOBLENZ

Koblenzer Mundart

Dat Gleck

Gleck, dat es wat Wunderbares,
alle Mensche sein droff aus.
On mer scheckt su ebbes Rares,
schriftlich heut von Haus ze Haus.

Emmer doht et ons nur streife,
schillert, glitzert konterbont.
Doch well mer et richtig greife,
guckt mer meistens en de Mond.

Läßt net met Gewalt sich halle,
Daach on Naacht han Wechselschicht.
Wat heut en de Schuhß doht falle -
morje wie e Glas zerbricht.

Trotzdem sei kein Trauermärwel,
gieht och manchmol wat entzwei.
Denn zereck bleibt noch en Schärwel,
die polierste scheen off neu.

Dodorch liehrt dä Mensch irscht gucke,
wat em Lewe wierd gespilt.
Doht sich net sü schnell mie ducke,
wenn dat Schicksal off inn zillt.

Trifft mer möl nach 20 Johre,
ganz per Zofall sei Idol.
Wat mer einst sich auserkore,
haut et einem fast vom Stohl.

Wat ons heut doht Kummer mache,
biehlt die Zeit doch alles glatt.
Heimlich denkste, on dohst lache:
Mensch, wat haste Gleck gehatt . . .

Katharina Schaaf

30. Dez. 1964

Katharina Schaaf